

四庫全書

集部

欽定四庫全書

御製詩二集卷七十四

古今體八十九首

丁丑九

秋日奉

皇太后幸塞外啟蹕之作

潤塵夜雨聽深更啟蹕旋看放午晴最喜晚田滋玉粒

恰宜新爽應金行誠輸屬國咸來覲

每歲行圍木蘭四十九旗蒙古及喀

爾喀倒來謁因

澤決大宛初受盟

去歲我師至哈薩克本為追我逋逃並非

有害於彼故今歲即遣
使來降將至山莊宴賚敬奉

安輿行慶典歡承

慈壽祝山瀛

駐蹕石槽行宮即景

蘭皋柳陌擁千廬樸斲離宮一宿居馬識旌竿行意速

凡馬將近駐宿處行必速以貪
解鞍休息也物皆有知信然
鳥窺窓戶喚聲徐鼓車

計里由旬近蓋樹成陰半畝餘歲歲秋蒐寧遠已繩

先示後並殷予

納稼

今歲雨暘時納稼較常早遺種及滯穗堆場頗覺好然
此近畿况未足慰襟抱幸近而忽遠詎合為君道豫齊
及畿南夏霖嘆行潦禾頭復生耳安可冀萬寶賚金茸
室廬涸地安障堡庶幾可播麥明歲夏熟保又聞關外
旱為之虔雩禱雖即沛甘膏難期四鬴飽逢歉視傷多
遇豐為惠小調劑懷萬方少喜饒煩惱

彭城

去歲彭城決上流以致沙淤凡五尺踊愁今歲修防難
夏初臨閼為憂劇增高培薄填蝨穴騎墻且救燃眉危
水工忽報沙已刷去三存二好消息有刷寧保無復渟
二分況苦猶然積比來此意那能置伏秋大汛期旋迫
億萬生靈命所繫南望塵懷縈刻刻伏汛已過白露近
章閼河恬手加額夢麟近自徐沛來合之大吏言如一
皆云其二近又刷中泓深乃如宿昔北門水誌我所設
河工設水誌以驗水勢消長向皆自水底測算如云長
丈七八尺者其實所長不過四五尺初無定則今年閼

河徐州北門命乘舟中流以量河身深淺而北門水飾
誌惟量出水高下則可得泓刷淤停深淺尺寸之實
辭誰能為損益尚待秋汎報平安此時未敢心即釋

五更

五更軍書至云速六百里宵衣急披閱乃知報捷喜呢

嗎已俘獲並繫其妻子去歲重猖獗禍魁實曰此札努

噶爾卜倡和如魚水執魁訊厥踪云亦就拘矣乃因彼

中亂操戈同室裏達瓦及渾齊

二台吉名

縛獻贖罪已

呢嗎與札

納噶爾卜同謀戕殺噶爾藏多爾濟而札納噶爾卜旋
為阿睦爾撒納所襲頃執呢嗎訊之則札納噶爾卜又

為台吉達瓦渾齊所先是北軍早擒巴雅爾亂首大縛以出痘尚未來獻

半殲所餘惟二耳哈薩克錫拉組頸期可指阿睦爾撒

納喙息尚逃死斯實颺颺渠亦失三窟恃

阿睦爾撒納竄入哈薩克

竊馬遁還揚言哈薩克助其兵力以煽動逆黨近哈薩克汗阿布賚遣使稱臣約擒逆賊以獻

佇待白

練牽絕域兵草弭

出古北口

秋獮歲常經巖壑悉曲折臨洮及瀛海一帶如眉列廢興懷千古守德可無設即今乃外戶何用增築缺關外

夏報旱赤地愁龜裂為之祈甘霖雖霖恐過節按轡茲
歷覽殊與所慮別山巔固稀種種亦多禾札稍下及谷
中芄芄原穗結十分則已失仍可望七八所以市鄽間
米價原一轍前途則未知詎可即怡悅

至避暑山莊得句

山莊臨上塞

皇祖具深猷最是承

恩處敢忘繼

志謀諸藩羣入覲蘇對遠來投

蘇對沙邨即大宛見史記待至將行

慶

貽庥庶少酬

清舒山館

林扉不用尋山複水之潯又是秋清候依然向會心窓
含千軸畫壁有五絃琴一味寧耽靜舉頭

舜日臨

宿雲簷

蔚若真猶幻悠然散復凝白雲應笑我常宿此何曾

寫心精舍

精舍傍花宮面勢向平楚構室就喬柯結宇依淨土不
聞清梵音雅愛幽禽語閒者有餘樂予惟無逸所宵旰
念民瘼拮据繩

祖武偶藉詠卷阿寫心良可覩

秋熱

關外逢秋熱忽如夏杪時葛收箱欲換扇衍篋重持每

逐含風爽還思蒸雨滋

天恩各知否華黍待成遲

雨

關外夏雨少山田早憂旱遣祈即霑澤稍救嘉種晚谷
中綠迴蘇黃萎惟山坂邇來厯厯看歉狀嗟盈眼晚蕎
及秋菜皆可濟餐飯既蘇復待滋為之愁展轉夜雨聽
枕上聲細意不滿陵晨巖雲重作勢續復斷蓄極乃大
霽一洗餘威曛隨處為祈年詎止恣遊衍

陸治叢蘭圖

潤浥露華新
猗猗水石濱
微知作者意
楚頌緬騷人

永恬居

雲閒欲歸牖
山翠每迎檐
景趣來來別
詩題旋旋添
梓

材養

昔引蘇對化
新霑佇待縛
渠獻

逆賊阿睦爾撒納復投
哈薩克軍營阿布賚欲

縛之以獻逆賊竊馬挾六騎
夜遁阿布賚窮追指日可獲
干戈戢永恬

澄觀齋對雨

幾架倚峻嶒出塵秀絕勝衆觀呈靜會吾意與秋澄細
雨歇還落帶雲散更凝所欣滋晚稼無礙峭涼增

雨中觀瀑

懸溜石林表天然大壑叢落來不離即接上祇空濛聲
色歸真靜襟懷泯異同靈源定何處左右白雲中

晴

密霖兩日極優霑既雨宜晴意為快玉宇迥澄斜漢影
絮雲已避遠山尖樹將暖旭輕籠牖花與香風並入簾

稍幸樂成憑閣望晚禾半得有秋占

八月朔日作

天光澄絳河雲影斂青螺最是仲秋屆偏饒塞景多對
時協平秩

昔日此卷阿霽色生餘暖還欣利晚禾

千尺雪題句

潏潏淑淑復潏潏遠帶雲林近繞階松竹有聲三友別
陶匏不奏八音諧秋風秋月常如是江北江南底各儕

小異支硎千尺者襄陽抱宿託高懷

皮日休有抱宿支硎雪之句

賦得風泉滿清聽

璇題標五字巖室護千靈度牖秋風颯侵階泉水泠自然相問答雅合託高冥契理皆堪會忘言頓入聽漪瀾猶習習含籟復淅淅觸景緬

堯軌非關企孟亭

妙巖室

有序

乾隆乙亥平定四衛拉忒諸部落皆尊敬黃教故

肖西藏三摩耶式建普寧寺於山莊之北置室其
旁以為憩息之所名曰妙嚴而係以詩

疆拓因來四衛拉寺營爰肖三

去聲

摩耶花宮具見嚴而

妙別室還饒清且嘉彈梵禽音出松架疊屏山翠入窓

紗即聲即色皆香氣童子當年悟未差

用楞嚴
經語

素尚齋

幾灣流水幾橋楮嶺複閒齋宛在茲蓄目高秋原恰當
印心昔景不曾移蕭然自是樸斲好紛彼何煩藻績施

詎止崇情愜幽賞風聲敦俗要於斯

細雨

細雨剛經五日纔灑空雲霞復徘徊晚田恰喜蘇秋後
野老都云帶澤來遠浦烟輕紅泛蓼斜蹊濕重綠漪苔
祈年法

祖吾恒願慶慰寧闕天馬徠

是時哈薩克頭目頻有投
順者已遣使在途尚未至

云

願志堂

屏峯曲抱林廬鏡渚清涵綺䟽或牝或牡過鹿曰潛曰
躍任魚枕流漱石非彼對時育物惟予悅目無過山水
賞心祇有詩書

遣懷

豫齊數郡灾賑賙亟籌畫遙心繫淮徐沙刷幸免危畿
南乃波及昏墊為愁劇闕北復遭旱吾來始霑澤三輔
雖有秋遏糴非良策所以粟轉貴

天恩殊可惜

近京一帶自春徂夏晴雨應時秋成可稱
豐稔因畿南被災商販轉運艱處取利而

閩外歟收又無入口之米昨京尹一心周九寓曾無可
奏秋收九分而米價轉貴者以此
逸隙山莊縱自佳耽佳豈可得

玉琴軒

神瀆注陂陀左右環交屬樸斲恰構茲階下醜紆曲不
盈亦不竭非笙復非筑揣稱號文琴酌聲擬哀玉造物
自成連移情在澄穆

初月

初見中秋月還於避暑莊一鈎清不盡萬劫朗如常溪

水依微漱巖林掩映蒼倚吟蕪畢望那礙晚風涼

即事

衣試輕寒添幾多野流無定繞陂陀綠雲底事紅霞襯
始悟巖楓宿雨過

山行

山行不用命中車散步尋幽亦足嘉漲影過橋留枿莽
曦光落澗起烟霞園中晴雨峯峯別塞外暄涼日日差
何事未曾忘結習觸懷便擬試吟叉

桂

一種臯塗試塞風清芬淨質玉瓏璫春華秋實尋常勝
燕北江南訝許同芳信不孤八月節幽襟宛憶小山叢
關河漫道遙艱致都在冰輪朗照中

八疊中秋帖子詞命扈蹕詞臣和之

有序

玉宇宵澄月屆秋中而愈皎屏山雲斂地臨塞上
以彌清不有新吟何酬令節聿溯宜秋綵帖裁詩
肇自丙寅駐茲避暑仙莊賡詠續成丁邗嗣是磧

山帳殿載舉前規時當太液秋風咸循成例環周
一紀氷輪常映氷心疊和八巡勝賞仍於勝境益
廣詞林之典故並增歲紀之華編

令人喜亦令人閒端正何須藉斧刪塞外偏饒風雅地
試看玉甌上鍾山

三千世界一輪光金粟依然發淨香妙趣風人如會得
解願應勝鼎來匡

藉甚丹青命畫師曲屏八疊恰成詩湧金漫說錢唐好

一例水光潏磧池

山高底事上層樓又紀清光丁丑秋風景皇州爭較異
綵棚瓜餅貨街頭

八月十六日熱河啟蹕木蘭行圍之作

山莊節過桂花筵哨鹿期臨八月天爰以時發警蹕
底須好逸戀林泉虞旌獵騎行招引舊屬新歸相後先
更待貴山使者至大蒐嘉與惠威宣

山村

山村歷巡農築場納稼早問雨夏曾霑稍救青苗槁所以秋成况較迤南頗好額慶為茅簷庶得二鬴飽共喜室家完且免租賦擾括田亦奚為藏富原有道

谷中

谷中落雨高山雪向北應知氣候涼陡憶熱河遙隔嶺迴蘇晚稼未登場急教巡視馳烟驛且課倉箱歷野莊彼此原多遺稂穗便斂峯玉審何妨

入崖口

九曲伊遜出峭崖

伊遜即蒙古語九數也是水發源木蘭中凡九曲而出崖口故云

巖

關秋色正清佳行時閱武仍於是舊部新藩率與皆緣
棧穀從畫屏度俯溪每聽綠琴諧常年命駕非耽樂
仁祖鴻模慎永懷

雨三首

海喇汗常靈應明易為雨亦易為晴重輜都過午圍罷
霑灑秋山合洗清

塞上靈應山蒙古語謂之海喇汗不敢直稱其名也凡車騎經過其側無

不雨雪俗云洗山屢試不爽

空羅縹緲復春容塞上烟光每慣逢最愛雨收霞脚露
倚天玉積幾高峯

聲聲銀竹奏笙竽潤景寒山故愜予倚着方窓聊縱望
石渠似展米家圖

雪獵

一夜朔風吹凍雲高峯低谷皆皴玉雖寒不濕可三驅
連網周陸謝千軸供役左賢還右賢是皆慣馬且耐寒
習勞示矩可辭冷我亦因之試玉韉六翼時止復時灑

磬控疑驟藍田野丹黃青綠續銀峻塞景清都入吟寫
麗龜釋弼真快哉紫狐輕點祥花皚陡憶伊犁大於掌
官軍尚待歌歸來

於興安作

興安高隆崇如屏圍匝匝木蘭今上林歲歲行秋獵是
惟極北岑近天尺五葉乾坤互開闔雲霧幻吐納荔丹
已垂實松青未落葉曉寒欲輕裘午暄仍細氎即景率
可會託興亦多愜執役來諸藩晝日每三接於焉示懷

柔寧云事威懾

放鹿

鹿鹿逾常夥開圍任赴榛聊因學宣牧

木蘭之獸本如苑中所牧留以

孽息亦欲取之不盡之意耳

匪欲博湯仁悠逝得其所分頒逮尚均

寧遼待取報明歲獵牲牲

檀廬

居安青嶂入選勝白雲平不漏原勝

平聲瓦匪雕那藉薨

蒼林禦風峭綠野坐霜清逐日張還拂於何著繫情

題張宗蒼山水

行勝藏弄幾多時展閱茲人宛在茲倚澗閣如黏繡壁
隔松泉似落虬枝逕穿鐘篠高低接船傍菰蒲左右移
身去江湖更成古餘風留得釣竿垂

哈薩克使臣至令隨圍獵並成是什

伊古從來化外蠲間關馳使遠朝天不知中土歲月日
乃隔長安萬二千塞野便教預獵喜山莊旋與錫恩駢
即今行國多天馬附會誰窮太史編

哈薩克在漢為西域史漢所記句

奴在北西南夷在西南西域諸國在西為最遼遠相傳
哈薩克為古大宛然史記言大宛為城郭之國則正今
之伊犁奇穆哈什哈爾及吐魯番一帶回部非哈薩克
也哈薩克雖亦回教而實行國與布魯特同俗又所稱
大宛產苜蓿葡萄今哈薩克亦絕無徒以產馬與大宛
相似然西北諸部何處不產馬耶蓋漢時大宛烏孫康
居奄蔡月氏扞罽于闐諸國統為西域而大宛部落強
盛附庸者多哈薩克在彼時當是其部中之一國耳史
稱大宛東北則烏孫而土魯番之東北即厄魯特諸部
烏孫者蒙古語謂水也厄魯特逐水草而居史所謂隨
畜與匈奴同俗者也且今哈薩克在尼魯特之北是又
不同矣史稱大宛東則扞罽于闐扞罽音韻與今之哈
密為近史記之扞罽漢書作扞彌又或作拘彌而史記
所載為最先漢書之扞彌或因字畫偶誤相沿不改展
轉訛謬至云拘彌則益失之遠矣且于寘于闐音聲迥
異二者之間必有一誤于寘絕無可考于闐產玉歷代

相傳今回部之和闐水多美玉當為于闐故地也益知
大宛非定哈薩克明矣或又以哈密為古伊吾引歷代
開田屯兵建設州郡為據然焉知非漢占伊吾之地屯
田設戍而扞禦乃西遷近于闐而居乎又安知非中國
浸微而扞禦仍來其故處乎在昔夷漢言語絕不相通
所傳不免悠謬今文武將吏往來西域與行內地無異
則史所謂大宛烏孫康居奄蔡月氏扞禦于闐諸國與
今之厄魯特哈薩克布魯特挪爾奇穆哈什哈爾其同
異大小皆可以次而徐考且歷代傳記西域諸國所云
勝兵數百者其實不過如今之準噶爾廿一昂吉之一
回部賽里木阿克蘇等小城有一酋長即可稱一國之
類耳設以今所定準噶爾哈薩克及回部相較則史所
稱西域三十六國者不啻九牛一毛矣必執史漢為據
則司馬遷班固並未身歷其地即至其地而語言不通
文字不曉其傳訛有必
然者故注其大畧如右

寄題哈薩克獨樹

有序

哈薩克西北隅有獨樹一株其上五枝盤拏陰廣
可蔽二百騎哈薩克謂之鄂埒引噶克义莫朶鄂
埒者河名噶克义莫朶者獨樹之謂本土爾扈特
所稱名也樹生河源久聞其語今問之來使信然
夫宇宙之大何奇不有然非實據見聞者奚足稱
焉昔既為長白瑞樹歌今復悉此物必有對其理
信然獨惜其遠處天末異域伊古及今文人學士

且不聞其名安能傳其實點筆記事蓋不如漆園
寓物謬悠而已

獨樹鬱輪囷物惟久故神

哈薩克過其下者必膜拜供獻而不敢稱其名蓋如蒙古

之鄂博矣鄂博見舊作詩卷中

陰周二百騎歲閱八千春建木誰曾見

竒蹤我所詢依稀北谷子飣飯此修真

道書登真隱訣云飣飯方受西

梁真人時在大宛北谷

重九日張三營行宮賜蒙古王公及行圍人宴並

金幣有差詩以紀事

罷園依例犒筵加施惠兼因答歲華耐可行宮逢九日

雅宜應節見黃花朱提分賜一千騎

一千二百獵騎舉成數耳

文綺

均頒卅九家

俗所謂四十九家王子者也

蘇對何妨頻令預

是日哈薩克使

者亦預宴由來澤欲不遺遐

木蘭迴蹕至山莊作

羽騎駸駸出哨歸山莊秋杪靄清暉寒魚怯與迴波漾

野鳥紛隨落葉飛籌政奚曾閒宵旰柔遐惟是驗從違

幾閒更復饒何事理詠頻因悟化機

夕

錫宴駐行鑣乘閒興亦饒
夕陽隱西嶺暝色逼疏寮
月上山空濶風過樹寂寥
雲軒歸靜憇清夢或逢

堯

吟紅榭

霜染橫林沓嶂巔開窓遙對畫圖懸
聊欣爛漫峯頭顚
莫慢飄零谷口填
晚照每看霞影亂
曉涼常浥露華鮮
徘徊欲詠還停筆
兩杜先予早著鞭

萬樹園宴哈薩克使臣詩以紀事

萬樹丹青艷霽霜秋陽送暖似春陽多須深目遵典屬

鄂畚槎斫

二處皆哈薩克地名

歸職方耀武未煩貳師李窮源底

藉鑿空張近安遠服休稱慶益勵吾心敬不遑

含粹齋

盡得風流入靜觀坐來渾忘杪秋寒虞鄉廿四品如較
一字於斯著亦難

巢翠亭

喬柯蔚蔚一亭幽雲海中不繫舟謾道秋風紛葉落
檐間意足翠陰留

九月十五日賜哈薩克使臣觀燈火

九瀛一合貴山朝火樹依前絳蠟燒可識仙莊原月宇
只疑鹽澤接星橋霜林葉落還裝葉霞嶠標藏重去聲建
標惠遠行時詎尋樂謾稱預節賞元宵

熱河啟蹕還京即事

習武柔遐以次行駟驂六御啟歸程雲莊慢自留清戀

麥坂旋因閱宿耕駝圖每嫌野渡冷馬臙還趁暖曦晴
觀光率可從人願宛使何妨携入京

哈薩克使臣求隨蹕至京師許之

總河白鍾山等奏報秋汛平穩詩以誌慰

河溢去年秋實自孫家集爾時開毛城乃救燃眉急補
瘡益伏禍渟澱致五尺今春始悉故命築毛城亟東流
資刷沙多歧戒分力猶虞川弗受隄堰勞籌畫增高薄
者培怵惕厯日昃彭門昨親歷民艱愁目擊自夏逮深
秋何曾忘頃刻河臣報汛過更聞佳音悉新淤則已刷

五尺盡蕩滌十分尺之八舊沙加汰克通五尺八寸中
泓流暢直吾民免昏墊慶慰手在額繫古亦有言用人

乃君責前車失藻鑑儆轅害延劇

前署河臣富勒赫不為先事預防以致孫

家集漫溢黃河幾至奪溜因治其罪

勤劬緣救過匪侵河臣職設云

天錫佑或鑒誠脈脈

麥

入塞侵尋律轉暄依依麥色暎輕軒傳宣迺騎休馳突
餅餌生機箇裏存

築場納稼甫功完又播來年綠壠攢辛苦更誰過農者
茅簷却鮮飽三餐

御園深秋

惠遠行時玉塞旋御園景閱杪秋天林光暖留去聲楓猶

續籬韻霜稀菊欲燃於澹泊中尋理趣非空色際忘言
詮底緣陡切心頭悶念到伊犁集賽邊

大西門樓前較射疊舊作韻

戊辰九月較射於此發二十矢中十有九詞臣齊

召南以七律四首進呈因用其韻勒之壁間次年
己巳孟夏

皇太后御樓觀射是日十中其九破的者三仍用韻紀
事頃秋獮迴蹕九月廿有三日問

安之次引見樓下復命射屢中後懸的最小者亦再破
的適哈薩克使臣列觀班末三疊前韻紀之

朔塞迴鑾携貴山扈隨經月六龍間視朝許厠千官末
將以廿六日進宮視朝亦
命哈薩克使臣入班行禮駐苑聊乘數日閒問

寢敬趨

慈壽閣亮工敷對鷺鷥班疇咨已罷餘清暇較射令

平聲

觀駢角彎

漏言誰者犯無當跳兔爰爰脫大黃

阿睦爾撒納為官兵追急復投哈薩

克阿布賚留之欲擒以獻而為阿睦爾撒納所覺隻身徒步夜遁

愧我猶然失前箸示

伊空自擅穿楊銷兵惟厖肆時夏懷遠因教觀國光

議羅義素應守

昔年俄羅斯請和與定十一條內彼此不食遁逃今逆賊已入彼想彼定當縛

送闕下也

待期縛送致封狼

南服災傷重洛嵩慙稱飢溺已躬同盱宵惟亟籌衣食
支詘何能適矢弓荒服却因至鷩鰈羽林况復恃羆熊
聯情示度聊親御連中休誇此素工

罷射平蕪一顰鞭山光萬壽正迎前飛樓隱入丹霞嶠
畫檝衝開碧水天菊放恰疑金布地稻收喜看穰遺田
陪臣携賞非驕富惇史傳將自此年

江南總督尹繼善奏報下河有收詩以誌慰

下河如釜底十歲九遇澇衆壑之所歸蒿目愧䟽導昔

亦堅閉壩霖小頗收效

高城為總河時堅閉五壩下河亦得豐收比至癸酉夏湖河並

漲仍狃於成見遂至潰溢成災

異漲乃債事上下胥災告後人更鑒茲

開壩計稱妙昏墊數州縣歲惟賴賑糶長此將焉窮展
轉為憂悼江鄉親歷覽熟籌畧知要與其臨事忙毋寧

先事料運河足浮送其餘應預耗更濬歸江路並驅尾

閘造

河工積習運河不肯早使洩水必至滿阮不能容受反至潰決隄岸一往而不可禦且下河支流淤

淺水無所疏今年南巡察知其故因命河臣將運河東壩減低俾水資浮送而止其餘者以次徐下更濬歸江
歸海諸水道以暢其流預為受水地水
至乃有所歸諸邑田廬得保且獲有收
今秋幸獲收大

吏佳音報南望為額慶溝壑免顛倒慶矣繼生愁徐沛
仍泥淖

孟冬齋居

銅人陳瑣闥玉漏靜楓墀秋獮纔成事

冬嘗又屆期齋躬屏燕樂問政切疇咨亦未紛馳念欽
思

志意時

孟冬時享

太廟禮成紀事

吉朔脩

嘗進吉蠲

假思仰冀意顯然

洋如在上原一脈勿替引之於萬年三獻禮成八佾舞

小春律在五絲絃午門迎送增蘇對

外蕃貢使例於午門前迎送是日哈

薩克使臣在列

祖烈今揚西海邊

十月朔日頒朔作

敬授斯稱重明時敢不虔龍杓弦望辨鳳闕典章懸堯
帝義和命大清億萬年銅儀惟是在稼政莫茲先布朔

禎祥始班和象魏前伊犁哈薩克從此入華編

時憲書
前脩列

各省暨外藩諸部節氣及日出入時刻平定伊犁後特
命何國宗率西洋人遍歷西域諸部測量今年始增入
行書頒

雜言

吉莫吉於知足半途亦戒中止安莫安於忍辱近勇亦

在知恥長莫長於博謀築室不潰於成先莫先於脩德
神聽中和且平似是而非理難悉曰失而得事難必養
雞者不畜狸牧羊者不畜豺智貴決疑明貴任材君辱
臣死樊噲庶幾布曰當斬奪理強辭或誠限於時勢則
非我之所知唾面自乾世頗有是可與之言事否

舊衙門行宮即事

樸斲軒楹翰墨筵老榆晚菊景清妍春秋蒐獮尋常憩
來往光陰卅五年

予自十二歲隨
來此至今蓋三十五年矣

皇祖

見獵寧闕

動心喜習勞率欲以身先洛邨服射非嫻射

時哈薩克使臣隨圍

無一善射者然見馳馬連中無不心服國家弧矢之威

示度因人有別權

重脩德壽寺落成詩以紀事

閱歲祇園致鬱攸經營深意緬

前猷

寺建於順治年間行圓常所臨幸前歲不戒於火

世祖

特勅重脩

聖祖南苑

固知

一切有為法作如是觀無可留盡洗何妨萬緣淨重提
依舊四禪脩從茲法雨霏金地澤潤蒼生百億秋

海會寺

城南佛宇道東陲慶落重看綽楔碑

寺建於明神宗時有張居正碑文歲

久頽圯因勅重脩時甫落成因往南苑之便一臨瞻禮

見說神宗受釐處更思張

相迂衡時往來久是惜零落

此寺為南苑往來必經之路少年時即見其零落矣

近以帝京觀瞻所繫凡頽圯不堪者或歸併淨除或量加脩葺所司適告工竣

構築無過葺廢

頽帝里觀瞻法輪煥寧關脩福六檀施

冬日視朝

百寮劍佩集明廷班末陪臣贊謁聆

是日哈薩克使臣行禮

黃道

星辰聯畢昴小陽節候靄元冥東鷄西鰈誰分域

琉球使臣

適亦隨班叩闕

北極南荒一太寧遠服邇安心敢肆敬

天勤政

訓聰聽

雨

十月廿四日

達夜同雲傍晚濃冬暄為雨灑雯零協時曰豫猶悚我
敷澤何殊總利農獨慙素輸梅已放羣欣潤趁麥方封
微寒開霽憑高望玉積西山一帶峯

雪

冬至月朔日

問夜同雲布詰晨密雪披祥徵子月朔信速十朝期

是月

十一日冬至

玉海得真趣天山繫遠思上林紛可望花滿萬

年枝

雪後瀛臺即景是日復雪

已喜公田三寸滋又看仙島六花蕤非烟非雨有如是
於畫於詩無不宜細糝長空方緬邈遠綏曲岸漸迷離
竹鑪雖具何曾試今日幾餘可試為

冬至

園丘禮成述事

配慕佳氣婉樵蒸奠璧

園丘祖業承日在駿狼欽敬授陽迴堪忝著明徵於昭
陟降依

左右敢曰馨香薦豆登寧遠尚惟希

景祐

阿睦爾撒納通竄未獲
西路軍務尚在籌辦

持盈更益勵兢兢

仲冬香山即景雜詠

隔歲峯容傍歲闌乘暄竭覽不知寒今來偏有相應處

積雪西山待我看

西山積雪坊立於香山
今冬始遇真面目也

翠纈紅敷亦底為試看慘淡是真姿因之便欲蠲紛慮
靜悟貞元初起時

管收寒鳥籟藏松只有幽泉尚細淙便擬搯琴一寫韻
徽絃端是中黃鍾

好山大略一觀諸雕績偏輸素在初逐景題詞今且置
亦因稿本寫無餘

向來每至香山遇佳處無不留句茲
以詩稿所餘篇幅不多故爾簡詠

雪

冬至月
十八日

靄靄纔過午浮浮遂灑空密敝簷瓦碧朗映閣梅紅積
素連前度數膏仰化工明朝趲臺畔試步玉玲瓏

徐州石隄成詩以紀事

去歲秋河決實因蟻穴漏而何文過者尚稱未奪溜諗
知乃明罰惠成已無救上旁溢波滔下細流沙留彭城
當其阨川狹人烟輳杞憂誰則無蒿目乏綢繆叶今秋
不可問萬口如一就聞之為悚然怒如調飢憐人可謝
無策我寧得旁售違議一親視

南巡時欲親至徐州有司及從臣率以道多積

潦為辭朕排羣議決往乃得
親臨周視指授濬防之策

民艱驗災後於無可如何

下策悉心究石隄舊雖設間作或缺透發帑令補足代
賑惠民又惟是舉鉅工成匪一時驟夏秋數月間南望
輒眉皺幸報兩汛過額手感

天佑柏冬工亦落崇墉牢且厚以視焚槌固倉卒或可
守從此黃樓邊間間安枕宿叶救急誠少慰永逸正難
觀

戊寅春帖子

歲籥將迴換春旗引吉祥樓頭看積雪臺上迓青陽

首春欣值甲

是日甲申

紀歲恰逢寅木德符滋養熙熙緯未

人

玉局龍圖尋妙義陶泓毛穎稱清陪北溟却盼佳音遞

時正待俄羅斯縛送竄賊阿睦爾撒納之信

願共東風速到來

歲暮各督撫奏民數穀數冊詩以紀實

戶口增寧非盛事廩倉艱每厪先憂誰云歲暮簡幾務

酌劑其間慎體求

除夕

桃符燦閭闔玉琯轉昭華詩與歲同餞興和春正賒滴
酥成吉字鏤勝是祥花奉若青陽律宏敷萬姓家



御製詩二集卷七十四

欽定四庫全書

集部

御製詩三集卷七十五

詳校官尚書臣德保

助教臣常循覆勘

總校官原任中允臣王燕緒

校對官中書臣朱圻

謄錄監生臣蕭志鴻

欽定四庫全書

御製詩二集卷七十五

古今體八十首戊寅一

戊寅元旦

萬爆鳴中九陌言宮聲祥應歲朝論三陽和淖臨寅月
初旭闔披麗午門資始蘿圖欽御音景棣通玉燭慶調
元貴山奉朔新馳使澤共東風到處溫

元旦試筆

穆愉一氣轉鴻鈞十二龍樓春色新
戊歲戊辰爰稼穡寅年寅月福臣民
世和益切因心敬陽澤還思與物均
曉闢銅龍先

進賀

慈寧純嘏自

天申

太和昕昱曙光披百辟冠裳式禮儀
籌政箕風將畢雨來王烏弋與黃支
重熙累洽誠斯日保泰持盈亦此時

更有殷懷厖西北春音願並捷音隨

重華宮新正

春臺此日衆同躋
訢合東皇萬福禔
左个青陽迎紫鳳
元辰嘉祉應金雞
載昭土德祈豐楙
敬授人時紀攝提
充豫徐淮籌作乂
沮洳幸涸舉耕犁

董祥歲朝圖即用題者韻

松筴梅逸石榛妍
作繪同徵第祿年
發歲生機發意蕊
啟祥韻事啟言泉

昌辰吉事喜重重一甕堯年寶露濃却問相應定誰是
爪鴻饒得醉春容

溫牡丹行

女夷司花定花期春芳秋豔各有時鼠姑殿春風信遲
去一開萬卉都收姿花師解奪女夷巧暖窖溫棚培護
聲好縮地燕北忽江南駐年凋後偏榮早臘鼓鳴未春草
萌黃姚紫魏先吐英圖入歲朝百事吉玉梅為弟水仙
兄韓湘頃刻雖輸疾敷華頗不殊殷七欄蜂欲採却無

緣屏燕相看渾可匹簾旌嫩日照暄妍簷溝積素暎輕

烟玉局詩與石田畫

蘇軾有冬牡丹詩沈周有溫牡丹畫

匪今伊昔韻事

傳異哉草木無情物旋轉猶然資剪拂苞彈蕊笑彼
工易俗移風慙我拙

題鄒一桂三益圖

貞姿宜雪後芳信報春前
澧臯將洛浦可以結忘年

右梅

雅蒜名非雅水夷體是水依然
銅洗藝作賦定誰能

右水仙

為佩將生谷猗猗不改芳設因擬高懌相契許和張

右蘭

玉盤謠

玉盤博徑得二尺圍六尺有

去聲

五寸益虛中盛水受一

石素質不雕其色碧旁達孚尹瓊華澤蔭光撫不留手
跡羣王之精出崑崙吉日甲子天子賓于西王母瑤池
津行觴介紹簠簋罇爾時所御器今存作鎮西極永好

完未入震旦三千年問今何來不脛偶準噶爾亡淪世
守阿睦撒納茲竊取王師采入靖孽醜於將獲之聯袂
走棄其重器為我有元英大呂陳座右咄哉玉盤徒華
滋不可食兮不可衣連城價詎如窮竒倖彼禍除可罷師
前歌後舞樂雍熙瓌玩吾將安用之擬付鄴人一例椎

新正二日降旨加賑豫省去歲被災各州縣詩以

紀事

中州歷歲歎向隅屯膏其故緣諱飾察知譴責司牧者

賑賙乃不遺餘力帑金三百萬弗惜庶使閭閻免困逼
諄諄更戒彼大吏毋俾役蠹俾遍得勤加咨詢往來人
盡道窮簷稍起色更幸三白霑宿麥聞之畧為紓反側
夏熟尚早詎置懷助陽奉時宜布德譬之赤子纔離懷
未能強飯可奪食已加毋寧再三加於民豈可言從嗇
免溝壑共力春耕南顧猶然為惕息

宋人牧牛圖

清泉還細草訛寢見羣牛素繪曲神肖黃鐘滿脰牟寧

勞丞相問却笑尚書猶考牧風人詠摘毫意自道

雪

正月
三日

欣逢甘雪維三日早報新春第一祥律應執規堆是璧
節先撒荔飮成梁廵簷已積遲氷注著砌旋融愛土香
正值璇宮行慶賞嶠山還進

壽筵嘗

新正重華宮恭侍

皇太后宴

青陽雖盜靄龍墀首祚承歡奉

聖慈彤管不勝書

懿德金庭長此御

隆祺寶幣蘭燄九華燭玉醴椒芬

萬壽卮雖是年年依例事如斯約以十千斯

賦得玉壺冰

玉壺愔愔嘉夜長華鐙蘭燄冰為光箕風畢雨此清暇
潑墨檮毫復靜忙申申緩箭渴烏水銅餅芳遞梅花蕊

輕裘溫室不知寒無易由言吾過矣

題黃筌梨花山雀

肖物渲芳總化機藝而道也匹應稀雪禽翻樹殘英墜
却訝梳翎落去飛

詠側理紙

海苔為紙傳拾遺徒聞厥名未見之何來暎座光配藜
不脛而走翳予思囹圄無縫若天衣縱橫細緯織網絲
即側理耶猶然疑張筆李墨試淬妃義獻父子書始宜

不然材可茂先追何有我哉宛撫茲萬番毋乃侈記私
兩幅已足珍瓌竒藏一書一聊紀辭清風穆如對古時
澄心金粟父視兒寄情枕藉宜隄博覽缺詠又何其
宣毫綈几為摛詞彷彿尚卿首肯斯

降旨免甘省積欠詩以紀事

西師猶未罷邊地亟宜懷數郡逋猶積一時豁與皆絲
綸頒岳牧膏澤善推排佇待歌耆定熙春萬物諧

唐寅乘鸞圖

駐鸞恰自西池返
攜得蟠桃且未嘗
却是飛瓊相贈與
慢疑人是女東方

正月四日恭奉

皇太后幸圓明園是日復雪

一夜霏霽曉勢加祥符
端喜在農家庭庥襲澤
春朝四行慶承

歡萬壽遐早報魚龍增
瑞氣恰看樓閣襯銀霞
女夷今歲迎

鑿巧苑樹高低遍綴花

題伽楠木佛鉢

古寺聞藏古鉢珍
舍離曾得奉金人
何來沙汭漁家罷
又歷風幡海劫春
紀事五言猶憶昨
選材七佛重去聲傳

神笑予何復拘名象
青石由來半假真
開元寺佛鉢見皮日休詩序甚

詳去歲南廵索觀題句仍命藏寺中愛其製古因命良工以伽楠香木肖形為之然日休所云帝青石作以今觀之則陶器而非石蓋世代屢易焉知不出於贗故末句及之

題鄒一桂三益圖

羅漢松依臘月梅
闌天竹雅稱清陪
居然三友雲霞契
生面從看此別開

御園雪霽

宿靄輕陰蘊釀晴
紫瀾不作日華晶
御園縱是遲燈火
已聽烟村幽吹聲

臘前已快霑三白
春後偏欣繼六花
消得慰心暢行慶
翻因心慰畏尤加

樓頭積素雙層疊
冰上寒光一色交
督課掃收培樹本

恩膏率為惜虛拋

綴枝著葉蕊珠凝一帶西山列玉峻霽色烟姿渾是畫

畫中得句昨年曾

去冬香山曾有積雪之句

題馬和之麻姑

戍削腰支裾曳霧人間復與方平遇類鳥爪縱善爬搔
未若自家知癢處

春雨軒

積素流光映彩燈上元今歲景偏增若論春雪如春雨

便慶食升有四升

見史記
天官書

靜鑑室

一憲涵萬象十笏玩三餘不擬劉君室還思周子書
攄情常課有養志欲冲虛設以衡材論返觀祇慙如

王蒙丹臺春曉

黃冠松下是誰予霞舉軒軒佺羨徒無病自應踈藥裏
忘機亦不索陰符春山濃處心同盞古木枯餘體共臞
便是長生真妙訣笑他底更事丹鑪

人日

攝提月值攝提歲七日復為七日人綵勝應時看鏤玉

春山迎旭欲鎔銀雖無絲竹饒清賞

是日為國忌辰例不宴樂

祇有

旦明切體仁令節晴和氣閭閻貞符首慶福吾民

再詠側理紙

南巡獲陟釐兩幅珍瓊玖錦囊藏其一說項叔吾口西
清有典司檢點所棄守五番哀時對謂是東置久誰知
為海苔徒觀麤且厚恐不宜墨卿未敢供凡右新獲與

茲同呈覽聽去取撫掌戰然笑天府何不有或又當面
失奚藉不脛走抑且瞿然懼將毋人似否

陳貞白雲山房

木石可居鹿可羣隔塵複嶺疊繽紛大空道者今何在

惟有山房占白雲

貞白題為大
空道人作

新正萬壽山

昨朝人日未登臨幾暇名山一攬尋最喜堯峯層積雪
又看空宇遍鎔銀烟村外有新年景野曠中多祈歲心

柳眼花鬚暫遲待六橋畔擬重去來吟

樂壽堂即目

昆明未泮雪初鬆
指濯菱花朗鑒容
不礙寒光披料峭
已欣韶令報和雛
脆芳襟植餅頭
朵新綠聊遲屋背峯
只有勻園一片石
宜人常邈紫芙蓉

綺望軒

藍田嫩日靄迷離
敞榭憑陵春望宜
何必纈紅將縹綠
端知繪事後於斯

書側理紙得句

吾曾惜闕詠誰識有河東

薛道衡有詠苔紙詩近題側理紙有博覽闕詠又何其之

句始悟向乃未曾細考也

典守百年出滑堅五部同藏書皆得亞

向獲

僅兩番故書一而藏一今得五幅或書或藏皆有其副矣

金玉慢稱工腕力惟慚劣

苔牋固不窮

題惠崇溪山春曉圖

馥馥蘭芬纁地陳溪山動植共熙春
摩挲七百餘年物潤手桃花帶露新

禪宗南北盡還同六度中禪屬惠崇奇蹟千秋貴得所

真詮拈出是思翁

見董其昌跋語

箇僧工畫又工詩妙構溪山春曉時若識本來無一物
淡皴濃抹更奚為

新正曲宴外藩即席得句

元宵預賞錫恩波亦寓懷柔示節摩雪映金支饒渥澤
旭承翠罕颺晴和一家中外歡逾浹累葉雍熙畏益多
內扎薩人六句者率言生不識兵戈

正月十一日進宮齋戒作

行春卜吉奉

徽音

大祀先庚返禁林東陸心析金兆穰西山背指玉為岑
鳳城萬戶葦桃煥太液長橋蟠螭尋北寺南臺佳且便
虔齋未敢事登臨

題鄒一桂花卉

臘後

蠟梅

春前

山茶

交婀娜玉英

水仙

珊瑚穗

天竺

映玲瓏女夷位

置色香巧每以不同示大同

新春齋居

新年例不判行施更大齋居簡閱披人日已過占燕喜
燈宵未到駕鰲遲民生國計籌全局盤石苞桑厯遠思
耕牧伊犁期永定自維終莫有閒時

西陲

西陲方蕩定卒未得休師勤遠非初意三年乃逮茲設
能先執領安用屢移晷事順乏人幹乏人責在誰

西陲用兵

非本意具見前記幸成大功斷無中棄之理使任事者
智勇兼脩早誅一阿睦爾撒納則衆叛惕息必不敢再
生事而諸臣屢失事機以致羣孽反覆逆酋遠竄勞我
師徒於今三年矣準噶爾素稱雄長諸部哈薩克從來
未通中國今伊犁既已平定哈薩克汗阿布賚亦不煩
招徠傾心內嚮孰非上蒼之默佑耶然伊犁耕牧
善後與夫一二遺孽尚待勦靖一時不能罷師雖不似
古者役民之為而晝夜運籌自覺勞心亦事之不得已
也若夫濟事無人則惟深感愧耳

白海青歌

鷲鳥飛來自海東以青得名青率同翹英皓羽乃罕觀
是何意態傑且雄固不誇祥亦珍潔靈稟瑤光特殊絕

雙睛火齊懸為珠一身梨花飛作雪鷹房板押付飼養

支粟支肉有職掌建屋居之訖可

元史命興和建屋知居海青海青換羽

時不可無木籠飼養即今亦然謂之建屋蓋訛傳過甚耳

五坊小兒戒可想既豢畜

之偶一試金縈翠鞵纔脫臂翼垂神蓋伏荒荆入雲逸
雉遑能致設使山林皆若茲鵝將餓斃靡介遺為人役
與自為計力與不力理固宜力與不力理固宜嗚呼人
豈鳥哉胡不思

題張照書聯並張宗蒼畫

自有相知無不可

無不可過去之事有自然相知之人向日樂善堂所得句每命張照書之

適與張宗蒼畫並勒壁間此藥括二句意也

高山流水雅情親得天書與宗

蒼畫動是張家思古人

雪

正月十二日

靄靄低宮樹綏綏點御津當春真是澤數上日未踰旬

符甲潛滋養

析辛預被仁靜侔色與價端勝玉和銀

題李唐清溪漁隱卷

沙汀石坻涵漪流細草叢穢清且幽箇中風月付誰是
有人亦祇如虛舟直鉤豈必垂香餌鹿頭名艇獨坐無名
氏今來古往漁隱人評量已不勝屈指逃利未抵逃名
難釣名釣利季孟間借問在水一方者誰真不愧絲和
竿

詣齋宮輦中作

崇城春度玉鑾班
誅蕩天閭接闐闐
市聚日中拱北闕
寒凝雪色映西山
金湯根本謀深固
禮義隄防示大閑

戶口繁孳世熙泰沖盈意倍切其間

辛日

析穀禮成述事

洪鐘疎響動齋宮祗詣

皇壇儼有顓南畝方祈施厚貺西師更賴奏膚功瑄調
鸞噦零陵玉絃叶凰儀嶧孔桐

烈祖

神宗胥配享敬

天庶鑒此心同

上元前日賜宴親藩

燕貼春屏燈綴檐宮中行樂懿親僉傳柑宴裏歌行葦
月滿宵前慶雪霑亦有埴簾情莫遠率非堂陞禮何嫌
芳辰詎是徒追賞麟趾周官萬國瞻

上元燈詞

從來燈與月為期增色佳期雪獨宜先節已看紛六出
上元正喜剪千枝

龍角杓攜又斡旋碧霄珠鏡自年年畿南宴賞却成昨
同樂民情在眼前

延樓錫宴例惟常恰對山高水復長

即樓名也

昔日纔傳預

夷使今宵並賚有降王

準噶爾昔未臣服遣使至都值燈節嘗令與宴今執其可汗達

瓦齊歸命闕廷已數載矣身叨侍從得於上元夜與諸王大臣承恩宴賚樓下

漢轉春星多瑞色月臨霽雪是祥光踏燈歌唱分明聽
惟願曰時若雨暘

一道飛烟萬朵蓮花開頃刻謾稱仙威光音裏普明界

笑指西樓忽隔年

鳳城絲管燈如月茅屋饑寒月是燈酌劑盈虛雖有意
返還淳樸究何曾

幻化樓臺乾闥城三山鼉鼉巨鼇擎月天子聽燈王法
不遣魚鱗點太清

順時行慶列藩陪戎索而今逮八垓却繾王臣尚于役
捷音願共爆催來

上元後一日小宴廷臣

翰墨觀燈例翼辰上元過始魄盈輪

是日方望夕

景酬雪月

叨

天賦情洽堂廉引席珍率寓銘盤歌一闋詎聽側弁酒

三巡

凡賜宴不過酒一巡而已

載咨魚雅摛臺侶可念賢勞執銳人

張宗蒼雪景

一片寒光羃素椒祗疑霏勢尚瀟瀟水連曲棧路偏遠
雲斷橫林木益喬白屋遙歎憑客几紅樓迥見出僧寮
荷衣棧笠尋詩思那惜驢蹄踏碎瑤

西山積雪聯句仍擬聚星堂體

有序

歲當豐稔時屆孟陬饑臘纔過三白已臻瑞應迎
春伊始六花更叶祥占喜農事之有徵值陽和之
乍普爰以上元朔日特開祕殿初筵鸞樹燈駢映
西山而絢綵鼇峯月朗連積雪以增輝載集羣寮
共賡禁體詩成疊璧期刪鹽絮浮華例倣聚星用
舉歐蘇勝事匪徒侈辭章之麗將以聯上下之情
云爾

御製節前稠疊佈祥靈八景燕山舊擅名便合同堂賡樂
愷

還教簪華譜咸韻觚稜光映三台耀鳩鵲輝澄萬

象迎于耜昔聞占父老

臣傳恒

集裾早見會公卿暖

回上苑頻喧雀凍澈方壺未嘒鶯仗外嶙嶙羅衆

皴

臣來保

峯頭奕奕朗初晴閉闔定起袁安卧曳履

無妨東郭行爽氣正來當拄笏

臣史貽直

晨光瞥轉對

張檠陽崖氣凜高天切幽壑寒霾厚地羸孤嶺岩

堯廻獨雁

臣陳世倌

御製九閭詠蕩豁雙睛雲端望去寒光皎林表浮來霽色

晶禁字重提聚星體

成章遐繼慶春榮浹旬挑菜曾裁勝先日傳柑預

獻觥雕就龍鱗呼刻燭

臣蔣溥

滴殘鸞管學吹笙北

臺雙耳尖仍峻終嶺中峯勢忽平罨畫模糊浮綠

蔣

臣汪敦

破空翕艷晃紅鉦大宮小霍齊添潤絕磴

危巒盡吐瑩色借華蕤鋪廣甸

臣劉統

葩萼敷蓮鄂拱

神京摩崖迸發三珠朶，省嶂週遮七寶城。散漫不

嫌虛北擲

臣秦
惠田

御製霏微只傍遠，眉橫歌詞謹。直懷于蒨畫，意寥蕭對李

成親切更思吟去歲

去冬香山有詠
西山積雪之句

諏咨還憶遡前程，仍看芳序開新籥。況對層嵐麗綵甍，

漸覺春陰澹蓬島

臣董
邦達

暗催夜景俯昆瀛，居庸靜

鎖關門迥潭柘深，迷塔影擎野燒痕。餘留鳥道

臣
劉

綸

炊烟颺處遲鐘聲，微茫錯認盧溝曉。滲漉潛通

太液盈畧似匡廬初瀉瀑

臣介福

非關由首鎮填阬

噴岼莫辨千螺點突兀惟標一掌撐法海松根堆

礪礪

臣金德瑛

御製祕魔石脚失崢嶸西隣屏障烟霞格東壁圖書風月

情吉兆雅宜祠太乙

寒芒却喜映長庚全融急溜垂紳直偶值旋飈拂

毫輕增閨神仙都婉孌

臣觀保

藐姑丰度本翩嬛暗

塵漠漠曾隨馬墜甲紛紛憶剪鯨紫陌已欣騰火

樹

臣程景伊

翠巖尚覺壓霄棚客襟奚俟挈舟發詩趣

偏因策蹇生卷向花甌猶片片

臣錢維城

飄從蓮漏共

丁丁柳隄蘸眼絲初潤麥隴含勾剡欲萌塞外賜

貂人萬里

臣陳惠華

御製洄中喧鴨夜三更涸田為慶遺蝗入

去歲畿南山左偶被水灾特遣

大臣疏濬積水漸消春耕無誤故及之

邊海遙縈握馬驚佇待洗兵歌七

德

且教煮茗詠三清樓蘭氛靖無傳箭馭娑杯濃有

擢莖即此陽和田地脉

臣孫灝

直從太古奪天黥研

成洞壑霞烘座巧作玲瓏綺列楹秀骨珊珊思叔

則

臣張泰開

豪吟咄咄讓端明惠連授簡蘭為曲汜勝

傳書穀是精日下遺編聞更續

臣金姓

夢餘佳話賞

應并泰階廣被醍醐寵解澤同滋沆瀣英喜洽泛

膏燃寶炬

臣錢汝誠

御製豐徵祀粥飫香抗星橋翡翠通宵朗界道琉璃自遠

呈宴樂寧忘勤政意東郊即日舉春耕

燕九日作

棣通暖律不依韋雪霽春永脆汜暉月過望看光尚朗

燈將收更燦爭輝

是日俗名收燈節

新詞恰當

去聲

稱劉鎮故事

何妨說處機兩語分明提治要撫辰益切慎幾微

題鄒一桂書城十二圖即用其韻

梅花書屋

玩象卦臨復先王此閉關憑誰遞消息梅夢點寒山

紅杏書樓

牆頭誰點筆憶是姓吳郎何似憑樓望筌魚兩並忘

碧梧書館

圭宣羨唐土箋應勝海苔如聞嘉蔭下朗誦度聲來

青蓮書社

暄暑且延爽綠衣滿碧池知音對商榷想為註毛詩

密筠書舍

低臨瀑泉白不遮屏山綠颯然敲滿林雅中宮商曲

綠天書塢

其心剝不盡好似抽秘思得句即書之綠瓊亦宜字

天香書院

秋闈舉子忙紛紛趨帝闕何如閉戶人獨對天香月

萬松書巖

古色照凌漢書聲答泛濤設擬名山藏惟應司馬高

秋林書圃

茅屋寒林下芸編伴客清不須重著賦宋玉占先聲

遲雲書閣

蒼蔚南山際潤逼瑤琴濕今古與居稽精神合噓吸

聽泉書榭

展卷對瀑水逝者如斯流欲詢佔畢者人已若為謀

印月書堂

守之謝樓櫓據之資歌吟李家城萬古明月映書林

俄羅斯驛致叛賊阿睦爾撒納死屍信至詩以紀

事
有序

去歲因阿睦爾撒納由哈薩克竄入俄羅斯境內

執言索取爾時浮議或慮致啟邊釁然俄羅斯以
逆賊素稱兇狡留之以資其力未即縛送此更不
可不力索矣因命典屬嚴辭叠促茲以逆賊患痘
身斃俄羅斯遂傳送其屍修詞遣使以祈永睦盖
彼有大圖則不屑守和約而奇貨既亡則毋寧遵
舊盟此事理之易見者設使不向取則並此亦不
俘獻矣從此俄羅斯之和好益固準噶爾餘孽攜
貳自消而為庸懦姑息之浮言者當自知愧赧撫

茲事蹟畧志顛末既以抒因時斷制之懷且用昭
示來茲俾知息事因循實不足與語詰戎固圉之
道也

聯袂善走更工藏蘇對潛逃又北荒詎識羅義和約固

獻來萬里逆屍彊功如彭寵遼東豕

執達瓦齊之役阿睦爾撒納原不可

謂無功而伊犁既平遂懷搆貳然使任事者能
遵朕旨而中事機亦不致債事三年之久也

心是溫

禹天外狼遺孽廓清永砥屬持盈益勵敬皇皇

早嫌牛腹與鳶肩密旨丁寧勅事先

初命阿睦爾撒納
為將軍時恐其有

反心密勅固倫額駙塞卜騰班珠爾及軍營大臣等言
彼不叛則已若露叛蹟當先誅之而諸臣徘徊遷延遂
致免脫亂弭安能待訛訛禍成因未塞涓涓由來一勇士
之力何致惟姑息以延荒服遵盟歌保定藁街寧遠首
明懸

哭汪由敦

贊治常資理論文每契神在公誠匪懈即世信何因言
行遺編簡老成謝播紳奠臨攄一慟底計日當辰

御製詩二集卷七十五

欽定四庫全書

御製詩二集卷七十六

古今體一百七首

戊寅二

閱春秋解口號漫題

猾夏從來稱攘楚今常漕米濟江南寄言白首窮經者

漫泥

去聲

區區紙上談

解春秋者無不以猾夏為楚罪操戈聚訟論之不已此經生因襲舊

聞拘墟方域之見耳秦晉汎舟之役傳說以為美談而今楚粟歲輸濟鄴封者甚富調賑尤資其利使如春秋時各分疆域則江浙所出之米不足本地半歲之食設加之遇灾即有賑恤將難為巧婦之炊矣且江浙江西

即昔之吳越漢武帝議伐閩越而劉安稱先道古謂必不可伐唐順之韙之以為反覆論說以中國勞蠻夷之意以今觀之閩浙江西之人豈盡不可以冠帶之國法度理之乎是知今古異宜不達時而欲行封建井田者率是類也故并識之

新春萬壽山即景

檐收華綴罷春燈咫尺春山一眺登花柳六橋方蘊釀較於紅綠雅相應

甕山當日是童山清蹕年來屢往還恰為招提開祝嘏

於山南建大報恩延壽寺以翠峯疊樹總增顏
祝皇太后六旬萬壽也

水田開治畝縱橫和雇催教臘底成詎為溪村增點綴
恐妨舉趾誤春耕

高下移栽五鬣松鬱蔥佳氣助山容巖楓澗柳遲顏色
祇覺森森翠益濃

五里玉河達玉泉溶溶新水可乘船靜明沿攬遲他日
午漏聲過漫久延

牡蠣牕虛向遠開芸編緋几稱清陪唐花底用工難蘊
春物昌昌即漸來

賅春園

山陰別一區，撲室聊結構。倚巖得基固，面野延賞富。量地雖十笏，萬景於中受。叶賅春我所名，消息今朝透。機思靜在先，事悟繪居後。

構虛軒

飛閣冠峯具，四臨豁然而敞。靜而深，天風忽送塔鈴響。却訝何人理玉琴。

惠山園

位置都教學惠山溪亭小憩片時間九龍昨歲停春蹕
却在尋常想像間

王蒙仙居圖

萬嶂羃青烟千林扶玉蓮石欄雲母井茅屋碧瑤天鐵
鎖何須挽金編耐可傳蘇張名利輩置此合成仙

填倉日漫題

歲華紀節名雖俗摘藻尋思義却長豈必雕盤行粃粢
詎能蓬戶具牛羊衆愁獨豫寧直樂率歎偏豐未是穰

民數頻滋穀恒少

向諭各省督撫於歲終彙奏民數穀數但以豐歉難齊通計穀數不能日

增而承平日久戶口滋繁時厯於懷也

對時艱致是千倉

新春玉泉山

烟宮仙木麗銅扉積素猶看皴翠微山又從新非故步
春雖未鬯是生機靈源不凍常浮舫香屐屨寒欲減衣
靄靄午陰將集霰便希重詠六花飛

清貯齋

池鏡披沄溶山畫含縹緲言憇不過暫引興則已每靜

寄忘俗緣幽賞契真宰設如擬玉壺一片冰心在

含峭居

築砌喜臨水開牕雅納山春秋恒翠邏嵐靄變孱顏意
入宜吟眺目謀省陟攀太沖有佳句此是青蔥間

自玉河泛舟至石舫

畫舫乘流達石舫清漪適可暢清遊
萬壽山別墅名清漪園片帆

設擬迴頭問曾未冰天無恙浮

袖嵐書屋

倚巖屋三間其外圍諸岫巉巖座中呈蒼蔚檐端迫于
焉機引靜可以時對茂於何勞位置萬景天然就點筆
無俗情風華在懷袖

曇華閣

調御堂堂大丈夫獨尊三界匹曾無碧蓮朵上擎珠閣
極樂西方未覺殊

王紱湖山書屋

澹澹春嵐鬱鬱松宮堯梵閣倚層峯山川宛似曾經到

審視分明是九龍

水與舟拏陸杖扶優游那戀紫青紆具區可見非無意
想欲因之泛五湖

雪

正月二十七日

達曙濃陰集霰來湏臾剪水落毳毼階頭氣暖溶溶化
牆角風寒旋旋堆裝絮却先柳眼放驅蝗都喜麥心培
御園燈景纔方過萬樹銀花此重開

題鄒一桂畫

碧桃倉庚

公子飛來衣著金
細桃灼間粉筠森
不須隔葉全身現
恰恰端知有好音

紫薇蠟嘴

竊脂翩集金華樹
紫綬翠翎艷好春
慢訝色形都活脫
傳神原是省中人

新春瀛臺

祭臨吉戊返宮垣
路便南臺小駐軒
綺戶歲屏猶未徹

仙壺春事已堪論
柳稊欲展風還弱
梅萼如嫌旭乍溫

逐處題詩寧慮復
盤盂几杖意斯存

西苑周不過十里
然以勝朝遺蹟加

之國家百餘年延美承平時復葺綴一亭一榭各標勝
槩邇年以來逐景得句無慮數十百首然勅幾祈年之
意恒多故
末句及之

茂對齋

因迥得高齋俯臨見
闌闌義經可觀象
顏之曰茂對玩
辭既呈外保泰亦殷內
先王貴因性夫何勞智慧

涵春室

東皇弗偏黨物物付以春此室名曰涵其意何所云譬
如天地間人乃一粒存心則粒之粒量與天地均以此
例吾室涵春寧有垠享帚不為私與物常同仁

賦得水一方

趯臺三面水書室敞南榮亭接迎薰近池臨太液清畫

如展李

思趙伯駒瀛臺猶勝朝故
訓蹟多金碧樓臺也

境即是蓬瀛三復薰

葭什懷賢獨泥情

千尺雪作

懸流無定態千尺假名諸趁便來春曉偏宜是雪餘
松看凍鶴躍藻出飛魚亦識綺言戒其如景起予

再題李成茂林遠岫圖疊舊作韻

元氣淋漓萬木枝荆關而外自成師奩屏合付閨中秀
硯匣琉璃冥寫時

見後南宋
向上跋語

河南巡撫胡寶琮奏報得雪詩以誌慰

豫省麥為秋三白望尤切客冬雖屢霑優遍實尚缺況
復新涸地沮洳龜紋裂是慮孽蝗蝻縈縈愁弗絕臘後

及初春乃均被甘雪不惟滋來牟兼幸驅遺孽披章沃
天漿滌我五衷熱加賑已一再可度青黃節大田倘及
時更冀西成閱言慰豈無心未敢旋愉悅

詠浮水石

磊磊澗中物浮浮水上行能因小制大遂幻重為輕豈
是支機遺去聲猶非變木成通靈緣得氣至理不須驚

題沈周倣王蒙山水即用其韻

心耽北隴峯惟翠身避東華塵是紅妙契山樵米薇意

底論格法異同中

翠荔丹楓杳嶂頭
誅茅書屋宵而幽
遂初賦就筆纔輟
時復歌橋策杖遊

二月朔日作

制祭考戴禮載芟
緬毛詩遷坐此致
齋吾將舉春祈仲
月氣漸鬯霽雪融
溫曦燈節過喧賞
動歸靜覺宜籌遠
將就緒飭農無射
思處順慎臨淵謹
幾戒漏卮夕惕復
朝乾心寧有逸時

題沈周虎丘圖

徘徊松下獨題詩客去人來落後期大似桐廬已發棹

彥升方至富陽時

沈周自題云約陪石居吳水部為虎丘之遊獨子弗果明日携壺追往而

石居已發舟與任昉詩所紀郭桐廬出溪口見候事畧相類故云

仲春

社稷壇親祀

展幣由來例仲春百年

右社聿維新

丙子春勅所司敬謹

繕修

壇內重加

壇工閱歲命更

置壇外西北隅並
增望塞樂章永垂令典

鴻功今古垂釐永

佐配馨香盼蠻均處陸什三司后土食艱稼穡立烝民
戊朝祭喜戊年值豐稔殷希錫祉申

仲春西苑即景

鸞輅西華祭後移趨臺更服便疇咨還餘清暇千官退
竭對韶光一賞宜積數已消簷際雪輕黃欲上柳梢絲
聽鴻樓上看迴雁春色人間許共知

鑑古堂

壁號圖書聚筵惟翰墨攤常懷三鑑對寧棘一身安無
逸凜明訓與稽慚古歡顧名思義處所愧是貞觀

延賞亭

役情書史亦糟粕契理鳶魚總道機試問亭中延賞者
究於何處獲心依

賦得虛舟

芸齋臨太液芝榜署虛舟趣味南華永蹟惟勝國留灑

然閱今古曠若忘

去聲

沉浮秋月當牕印春波拍岸柔幾

曾慮風浪無礙侶鳬鷗我有濟川意還殷作楫求

鏡清齋

臨池構屋如臨鏡那藉旃摩亦謝模不示物形妍醜露
每因憑切奉三無

焙茶塢

石上泉依松下風竹鑪製與惠山同蔡襄不止工其法
因事還思善納忠

董邦達秋林曳杖圖

蒼剩烟蘿丹染楓滄波又起鯉魚風高人蜀杖携叩竹
小立端知意不窮

仲春經筵

書文經訓義揄揚魚雅儒晉晉兩行篤志近思研學問
思艱圖易劭農桑

是日進講論語博學而篤志一節尚書思其艱以圖其易兩句春臺

共喜時方鬯廣厦寧惟例舉常周孔吾師游意切推行

獨慙

去聲未云遑

二月初四日喜雨

積雪纔消甘雨繼
霏空作勢灑
霰流膏延美有如是
歷歲新春未此逢
烟意乍踈還復密
雲容欲淡旋添濃
豈無慶慰饒兢業
敢恃時和懈敬恭

褚君道松陰書屋

攤書烏几獨搢頤
松籟泉音契
篴倪作者雲鴻不留跡

為傳名氏是荆溪

君道未標名見
陳惟寅識語

御湖雨泛

溶溶新水始通舟出塢飛雲

舟名

試擗柔恰喜掠空銀竹

震春溪殊勝是今遊

堤柳帶烟看作綠蹊桃含潤意疑紅不無清賞非存樂
樂在犁雲鋤雨中

雲低碧落易為雨霧重西山懶放晴恰是江南二月景
昨春興致憶分明

春雨軒對雨六韻

開年詠甘雪慶卜四升糧

近作有若論春雪如春雨
使慶食升有四升之句
繼

是頻叨渥惟茲更需祥欣看積窪液不礙倚楹涼作響
低淋漑飛空遠渺茫烟歛柳欲暗潤逼土生香春雨異
常早慰欽亦異常

存素齋

溪堂架樸斲丹腹不須塗抱樸漱芳潤體純味道腴每
叅山水趣那逐色聲娛詎是耽清淨操存出治樞

自得軒

蜃牕綈几靜無塵鳥語花香樂有真萬物當春皆自得

給求養欲廬吾民

徐賁倣巨然惠崇二家筆意

樹槎枒復石嶽嶽竒境由來無更竒想見一時般礪彼
搆成千里出藍斯

仲春昆明湖上

晴暉送暖渙冰紋歸岫西山有宿雲放眼柳條絲漸軟
含胎花樹色將分女牛左右徒聞古鳬鴈光輝各命羣
陸町溪塍都潤澤行將來往課耕耘

題雲繪軒

常年艱致是春雲今歲春雲易郁氛都道南巡轉氣候
往歲北省每苦春旱自辛未南巡後春膏稍易致今歲則更雨雪頻霑英英屢布或謂南巡江國氣候旋轉隨云
恰宜東作蔚氤氲每看出岫容生動便冀為霖意懇
懃俯仰高軒寧玩繪劭農心為萬民欣

停靄樓

面水背山聊構築朝嵐夕靄坐間收設叅陶氏詩中句
不異謝家江上樓

賦得金粟山

嵯峨俯碧川湧出擬青蓮
金粟如來影春山太古禪
分明契倪莞可以謝蹄筌
繭紙閒臨帖竭思趙宋年

養雲軒疊舊作韻

自我常望霖養雲因名軒
義取遍崇朝瑞匪誇非烟
邇來何厚幸每與雲周旋
靄靄時欲留英英若可攬
樂寧為山水興鋤澤甫田

味閒齋漫題

味閒兩字署簷唇山裕如還水靜真坐未逾時便歸去
笑予不是箇中人

趙孟頫疎林秀石

林饒古貌石竒姿了了偏含無盡思何必王孫惜芳草
請看茗上晚秋時

再題惠山園八景

載時堂

座有箴銘架有書延清最可適幾餘載時若問對時義

漢詔中間每起予

墨妙軒

三希法帖萃名書墨妙茗華復繼諸自是畢然緣望古
將毋玩物志渝初

就雲樓

雲橫山直自今古築個山樓號就雲動靜主賓都妙諦
倩誰點筆為區分

澹碧齋

琳沼冰淪尚未開心依澹碧境無埃幾迴磨墨一章就
自問箇從何處來

水樂亭

或戛鳴球或搏絃林泉趣也中宮縣烟霞嶺畔依稀似
坐石臨流憶去年

知魚橋

平鋪半畝凍琉璃未是輕儵出水時謾道躍潛殊理趣
魚知魚樂我因知

尋詩逕

古錦囊教奴子携惟應愈湜解金鏡如今擬問李長吉
題湊詩乎詩湊題

涵光洞

迴巖繆逕蔽曦光空洞中宏宛委藏妙義恰如虛室白
吉祥止止受無央

丁雲鵬天台劉阮圖

絡石緣林漱玉涼遠山紫邏更蒼蒼溪邊列樹雲和靜

洞口落英水亦香作記未應擬彭澤成詩早見有曹唐
浙東仙境依然在可復雙鬟待二郎

細雨二月初八日

雲繪養雲纔句就皆萬壽山軒名近並有詩雨過春雨又絲霏未經
望澤欣先到總是殊恩敢道微響入竹林輕滴瀝潤含
柳陌暗浥微寧無慶慰饒兢葉不作空言勅萬幾

向陽草

年前立春春氣早更兼霖霖春雨好栽者培之古所云

欽定四庫全書

御製詩二集
卷七十六

十六

向陽暖處有新草嫩青遙見近不無如茵如毯皆虛蒙
文章大塊始屬稿生意昌昌自此都得暄霑潤增顏色
枯莽空懷對隅泣物猶如此人何堪春雨春陽難遍及
吁嗟乎春雨春陽難遍及對之怍然為躑立

李廸翎毛花卉

董其昌
評定

花香鳥語註韶熙總是東皇一氣施不藉畫禪真法眼
河陽妙蹟亦誰知

西直門外三首

雨過村圻宿潤濃柳絲黃嫩草方茸微塵不作春烟淡
彷彿江南昨歲逢

樹外紙鳶颺野坵枳籬詰曲隱旗亭春臺樂處隨民便
指日芳郊有踏青

春麥方耕秋麥茁力田孰不趁時和課農來往於斯慣
憑攬欣多懼亦多

仲春瀛臺

王宮將執鎮路便此來臨雨後出耕牂冰開下水禽金

欽定四庫全書

御製詩二集
卷七十六

十七

搖絲柳重綠吐綺莎深萬物熙春意從知造物心

千尺雪

飛流不計尺計尺漫名千聲是無聲界色非有色天淙
簷五音和去聲漱石六花濺客歲寒山畔牽情屬偶然

響雪廊

曲廊曼接千尺雪浙浙常聞響碎霏體物既堪方淨色
忘懷雅合晤清聲

葆光室

康熙年間
祖御題扁額也
皇

假山閱世如太古穿幽乃造十笏所上有詭石聳雲根
下有滌泉淙神乳注焉不竭酌不窮兩字葆光威鳳舞
羹牆宛憶

神堯年艾蓬誰究蒙莊語

即事

春雨雖未寸潤澤已慶慰却看雲勢重幕歷藏山翠因
之憶遠近一例被膏未無何一二日佳音來次第保陽
及古北三寸均霑暨喜已疑信半奚曾遇徃歲秋麥既

勃生春年即可藝大田為候早興鋤亦資利時和切畏
念事順戒滿志猶虞或遺忘勤言銘座展

王蒙松林書屋

隱几先生若有遲去聲隔溪佳客迥無塵相逢定話羲皇
上肯作空迴題鳳人

仲春

朝日壇禮成紀事六韻

朝日東門外春分陽德雍躬親應戊歲祭禮遡

天宗在俎陳騂角承筐奠赤琮元端服惟盛大采意彌
恭三獻酌清齊旋宮奏夾鐘翹瞻

壇壝煥

歲乙亥勅修

壇工

瑞擁

至丁丑春月告竣

旭光濃

春分

搢圭祭罷返園亭三日韶光能爾靈花欲彈苞梢乍紫
柳將作葉線迴青蒼官入仲分宵晝萬物當春自色形
玩景摘詞詎宜亟可忘無逸昔書屏

思永齋

樸斲含經畔

是處在舍經堂西

往來亦憩留澄觀非藻績託志

在清幽上下鳶魚若居稽今古求言經如展讀切已慎身修

賦得山色湖光共一樓

渭竹環臨水巖樓出竹梢漪瀾常映帶罨黛亦兼色了
識智仁樂宛成仲叔交契神疑畫舫悅志即書巢已足
供吟眺奚煩事豁虜羲經設觀象育德聖功爰

聞山東得雨口號

畿南澤慶滋三寸越日齊郊亦報霑
便憶豫圻曾逮未
了知蜀望孰能廉

山桃花二首

雨潤日暄皆及節山桃開覺早
常年滿園春色傳頭踏
明曉花朝景倍妍

向陽山塢暖烘偏
擘蕊彈苞劇可憐
最是蓬蓬又將作
思量何必約無愆

山桃開時每
多風故云

題唐寅倣王蒙松陰高士圖

滿幅山樵荷葉皺卜居松桂雅宜隣
晉昌巨擘唐伯虎谷口息肩鄭子真
攬勝可知渾濟勝入神妙是獨傳神
王家粉本定何似我亦因之憶古人

花朝

花朝率未御園度度亦寒林鮮作花臘雪春膏皆恰當
輕風暖日復交加遂教火迫綏山蕊不異幻開殷七葩
若論對時親切句養存事更重萌芽

仲春玉泉山

荏苒風光能爾催
孟春倏過仲春來
改觀旬月之間耳
寓意湖山適可哉
玉笋入雲隱壺嶠
銀奩倒影畫樓臺
丁丁漏箭無停響
寄語林花漫亟開

華滋館

蹊績芳霞砌錦茵
華滋今度信傳神
夢醒烟月三千界
興寄林泉九十春
詎可色聲耽玩物
雅宜翰墨足娛人
展書不擬羲皇上
自顧風猶未返淳

仁育宮頌言疊舊作岱廟詩韻 有序

玉泉山西擇爽塏地建

東嶽天齊廟而名之曰仁育宮天齊之稱見於史記
東嶽岱宗則虞帝之所柴望也今祠宇遍天下明
靈揚調理大物博豈非以仁育萬彙不崇朝而雨
天下語曰泰山不讓土壤固無往而弗格也既為
碑記以落廟成茲經過展禮輒依舊作岱廟韻以
成頌言

出震尊為五嶽宗配
蔡布護豈拘封一拳
即是扶桑石
五鬣寧殊漢代松
瑞氣氤氲籠玉殿
蒼靈肅穆仰

金容雲行雨施
崇朝遍常願休徵
佑九農

巡狩寧當歲屢行

崇祠擇近致齋精
天門東望一誠格
陽德中齊萬物亨
秩長羣神孰可匹
功先六子獨稱兄

錫禧雖每叨鴻貺
惟勵欽承凜旦明

涵漪齋

文軒俯碧湖新水一泓俱堤宰鷺黃暎奩開鴨綠鋪未
看^{平聲}出嫩芷已可泛輕艫理趣叅親切神超動靜乎

岑華閣

玉山朗朗削芙蓉上有凌空綺閣重一切世間無此地
惟應極樂國中逢

苻橋三首

初生春水漾蘭橈片刻溯遊達苻橋萬頃昆明堤那畔
岳陽記語印今朝

六橋一帶學西湖
蜿蜿長虹俯接余
左右參差浮碧水
二南雅化亦興予

便可橋旁暫艤舟
蒲鍼欲刺柳絲柔
行將春服吾與點
興在風行及水流

藻鑑堂得句

昆明春水漱烟光
沿泛因之藻鑑堂
表裏湖山歸靜照
高低桃柳總清揚
羲經趣寄對時茂
楚頌詞多稱物芳
若傍竹林尋晉逸
山公啟事緬懷長

賦得春風啜茗臺

因迴得高臺春風小憩來竹鑪傲惠上鳳餅出閨隈第
一泉猶近彼雙符慢催試看文武火絕勝聖賢醅詠繼
三清句

以雪水沃梅花松實佛手
名曰三清茶有詩紀事

香生大邑杯君謨因

事納遐想信忠哉

山陰

山陽明湖山陰溪一舟宛轉通廻堤柳綠桃紅艷爭媚
淡靄輕烟黯欲迷雖無日涉原成趣片時攬結催歸去

知然構築復何為是我自心知赧處

嘉蔭軒

天籟時聞颯沓鳴龍蔥秀木鬱南榮兩山臺榭平分翠

一水舳艫相對清椰葉定無何足擬

見吳都賦

棗花未落底

須爭

李頎詩棗花未落桐陰長

細莎異草紛緣被彷彿華連舍衛城

澹寧堂

開牕常面山山體恒寧靜俯檻亦臨水水態澹泊永明
志既可託致遠還因省武侯材德兼其言實堪領未能

踐諸躬且以質之境

文徵明倚樹觀泉

石橋好是隔紅塵古樹槎枒澗水濱肯向世間留姓氏
白衣祇合號山人


玉蘭花開

春澤春陽著意加玉蘭今歲早開花喻糜江硯胥供奉
風韻原來本一家

賜休致大學士陳世倌歸里詩以餞之

夙夜勤勞言行醇多年黃閣贊絲綸陳情無那俞孔緯
食祿應教例鄭均自是江湖憂未忘原非桑梓隱而淪
老成歸告能無惜

皇祖朝臣有幾人



御製詩二集卷七十六